

Keputusan Tahunan Hongkong and Shanghai Banking Corporation Limited bagi 2024

Penyata Pendapatan Gabungan Bagi Tahun Berakhir pada 31 Disember 2024

	2024 HK\$'j	2023 HK\$'j
Pendapatan faedah bersih	117,637	130,780
– pendapatan faedah	315,868	295,212
– perbelanjaan faedah	(198,231)	(164,432)
Pendapatan yuran bersih	42,517	38,043
– pendapatan yuran	56,219	51,025
– perbelanjaan yuran	(13,702)	(12,982)
Pendapatan bersih daripada instrumen kewangan yang dipegang untuk didagangkan atau diurus atas dasar nilai saksama	91,930	74,435
Pendapatan bersih daripada aset dan liabiliti perniagaan insurans, termasuk derivatif berkaitan, yang diukur pada nilai saksama melalui untung atau rugi	36,024	48,959
Perbelanjaan kewangan insurans	(35,663)	(48,798)
Keputusan perkhidmatan insurans	8,131	6,558
– Hasil insurans	16,533	13,007
– Perbelanjaan perkhidmatan insurans	(8,402)	(6,449)
Pendapatan/(perbelanjaan) operasi lain	5,119	(298)
Pendapatan operasi bersih sebelum perubahan kerugian kredit dijangka dan caj rosot nilai kredit yang lain	265,695	249,679
Perubahan dalam kerugian kredit dijangka dan caj rosot nilai kredit yang lain	(11,946)	(12,843)
Jumlah pendapatan operasi bersih	253,749	236,836
Pampasan dan manfaat pekerja	(40,028)	(38,547)
Perbelanjaan am dan pentadbiran	(57,967)	(54,538)
Susut nilai dan rosot nilai hartanah, loji dan peralatan	(10,925)	(9,724)
Pelunasan dan rosot nilai aset tidak ketara	(8,672)	(7,184)
Jumlah perbelanjaan operasi	(117,592)	(109,993)
Keuntungan operasi	136,157	126,843
Bahagian keuntungan dalam syarikat-syarikat bersekutu dan usaha sama	17,775	18,555
Rosot nilai kepentingan dalam syarikat bersekutu	–	(23,955)
Keuntungan sebelum cukai	153,932	121,443
Perbelanjaan cukai	(24,681)	(23,916)
Keuntungan bagi tahun kewangan	129,251	97,527
Diagih kepada:		
– pemegang saham biasa syarikat induk	118,787	87,191
– pemegang ekuiti yang lain	3,576	3,556
– kepentingan tidak dikawal	6,888	6,780
Keuntungan bagi tahun kewangan	129,251	97,527

Laporan Juruaudit Bebas kepada Pemegang Saham The Hongkong and Shanghai Banking Corporation Limited (diperbadankan di Hong Kong dengan liabiliti terhad)

Pendapat

Apa yang telah kami audit

Penyata kewangan gabungan The Hongkong and Shanghai Banking Corporation Limited ('Bank') dan anak-anak syarikatnya (bersama, 'kumpulan') yang dibentangkan dalam halaman 71 hingga 135, yang terdiri daripada:

- penyata kedudukan kewangan gabungan pada 31 Disember 2024;
- penyata pendapatan gabungan bagi tahun berakhir pada tarikh tersebut;
- penyata pendapatan komprehensif gabungan bagi tahun yang berakhir pada tarikh tersebut;
- penyata perubahan dalam ekuiti gabungan bagi tahun yang berakhir pada tarikh tersebut;
- penyata aliran tunai gabungan bagi tahun yang berakhir pada tarikh tersebut; dan
- nota¹ kepada penyata kewangan gabungan, yang termasuk dasar perakaunan yang penting dan maklumat penjelasan yang lain.

¹ Pendedahan tertentu yang dikehendaki sebagaimana yang diterangkan dalam Nota 1.1 (d) pada penyata kewangan gabungan telah dibentangkan di bahagian lain dalam Laporan Tahunan dan Akaun 2024, dan bukannya dalam nota bagi penyata kewangan gabungan itu. Perkara ini dirujuk silang daripada penyata kewangan gabungan dan dikenal pasti sebagai telah diaudit.

Pendapat kami

Pada pendapat kami, penyata kewangan gabungan ini memberi gambaran yang benar dan saksama mengenai kedudukan kewangan gabungan kumpulan pada 31 Disember 2024, dan prestasi kewangan gabungan dan aliran tunai gabungan kumpulan untuk tahun berakhir pada tarikh tersebut menurut Piawai Laporan Kewangan Hong Kong ('HKFRSs') yang dikeluarkan oleh Institut Akauntan Awam Bertauliah Hong Kong ('HKICPA') dan telah disediakan dengan betul dengan mematuhi Ordinan Syarikat Hong Kong.

Asas Pendapat

Kami telah melaksanakan audit kami menurut Piawai Pengauditan Hong Kong ('HKASs') yang dikeluarkan oleh HKICPA. Tanggungjawab kami di bawah piawaian ini diterangkan dengan lebih lanjut di dalam seksyen Tanggungjawab Juruaudit untuk bahagian Audit Penyata Kewangan Gabungan dalam laporan kami.

Kami percaya bahawa bukti audit yang kami peroleh adalah mencukupi dan sesuai untuk membentuk asas pendapat kami.

Kebebasan

Kami bebas daripada kumpulan menurut Kanun Etika Akauntan Profesional ('Kod') HKICPA, dan kami telah memenuhi tanggungjawab etika kami yang lain menurut Kod.

Perkara-perkara Penting Audit

Perkara-perkara penting audit ialah perkara-perkara yang, pada pendapat profesional kami, adalah paling signifikan dalam audit kami ke atas penyata kewangan gabungan bagi tempoh semasa. Perkara-perkara ini telah diberi perhatian dalam konteks audit kami ke atas penyata kewangan gabungan secara keseluruhan, dan dalam membentuk pendapat kami mengenainya, dan kami tidak memberikan pendapat yang berasingan mengenai perkara-perkara ini.

Perkara-perkara penting audit yang dikenal pasti dalam audit kami adalah seperti berikut:

- Peruntukan kerugian kredit yang dijangkakan atas pinjaman dan pendahuluan kepada pelanggan
- Penilaian rosot nilai pelaburan dalam syarikat bersekutu – Bank of Communications Co., Ltd ('BoCom')

[Peruntukan kerugian kredit yang dijangkakan atas pinjaman dan pendahuluan kepada pelanggan](#)

Sifat Perkara Penting Audit

Pada 31 Disember 2024, kumpulan mencatatkan peruntukan kerugian kredit yang dijangkakan ('ECL') atas pinjaman dan pendahuluan kepada pelanggan sebanyak HK\$35.7bn. Penentuan ECL ke atas pinjaman dan pendahuluan yang tidak mengalami rosot nilai kredit kepada pelanggan memerlukan penggunaan metodologi risiko kredit yang kompleks yang diaplikasikan dalam model berdasarkan pengalaman sejarah kumpulan berkaitan korelasi antara kelalaian dan kerugian, kelayakan kredit peminjam, segmentasi pelanggan atau portfolio dan keadaan ekonomi. Penentuan ECL ke atas pinjaman dan pendahuluan yang tidak mengalami rosot nilai kredit kepada pelanggan juga memerlukan penentuan andaian yang melibatkan ketidaktentuan anggaran. Andaian-andaian yang digunakan untuk ECL yang menjadi fokus kami bagi pinjaman dan pendahuluan yang tidak mengalami rosot nilai kredit kepada pelanggan termasuk andaian pada tahap pertimbangan pengurusan yang lebih tinggi dan bagi andaian yang variasi mempunyai kesan yang ketara ke atas ECL pada pinjaman dan pendahuluan kepada pelanggan. Khususnya, ini termasuk senario ekonomi dan kemungkinannya. Begitu juga, terdapat ketidaktentuan yang wujud dengan data ramalan ekonomi yang disepakati oleh ahli ekonomi luar. Andaian penting juga termasuk penilaian risiko pelanggan.

Kesan yang berkaitan dengan sektor hartanah komersial tanah besar China, dan ketidaktentuan keadaan makroekonomi semasa mempengaruhi risiko dan ketidaktentuan anggaran yang wujud dalam menentukan ECL ke atas pinjaman dan pendahuluan kepada pelanggan.

Keadaan berterusan di atas terus mengakibatkan pendedahan korporat yang mengalami rosot nilai kredit yang ketara berkaitan dengan sektor hartanah komersial luar pesisir tanah besar China yang tidak bercagar. Andaian yang mempunyai kesan paling ketara adalah yang digunakan dalam menganggarkan kebolehpulihan pendedahan ini.

Perkara-perkara yang dibincangkan dengan Jawatankuasa Audit

Kami telah berbincang dengan Jawatankuasa Audit tentang kewajaran metodologi, aplikasinya, andaian signifikan, dan pendedahan berkaitan, dengan mengambil kira keadaan makroekonomi semasa. Ini termasuk senario ekonomi dan kemungkinannya, pelarasan pertimbangan pihak pengurusan untuk memperoleh ECL ke atas pinjaman dan pendahuluan kepada pelanggan, dan kebolehpulihan pada masa akan datang bagi pendedahan borong yang mengalami rosot nilai kredit tertentu yang ketara.

Bagaimana audit kami menangi Perkara Penting Audit

Kami telah menguji kawalan yang berkaitan dengan metodologi, aplikasi metodologi tersebut, andaian signifikan dan data yang digunakan untuk menentukan ECL ke atas pinjaman dan pendahuluan kepada pelanggan. Ini termasuk kawalan yang berkaitan dengan:

- Pembangunan model, pengesahan dan pemantauan;
- Kelulusan senario ekonomi;
- Kelulusan pemberat kebarangkalian yang diberikan kepada senario ekonomi;
- Menetapkan penilaian risiko pelanggan; dan
- Kajian semula input dan andaian yang digunakan dalam menganggarkan perolehan semula pendedahan borong yang mengalami rosot nilai kredit.

Kami melaksanakan prosedur audit yang substantif terhadap pematuhan metodologi ECL kepada keperluan HKFRS 9. Kami melibatkan profesional yang berpengalaman dalam pemodelan ECL untuk menilai kesesuaian metodologi dan model yang berkaitan.

Kami juga melaksanakan perkara berikut untuk menilai andaian signifikan dan data:

- Kami mencabar kesesuaian andaian signifikan dan memperoleh bukti yang menyokong;
- Kami melibatkan pakar ekonomi kami dalam menilai kewajaran keterukan dan kemungkinan berlakunya senario ekonomi tertentu;
- Kami menguji contoh penarafan risiko pelanggan yang diberikan kepada pendedahan borong; dan
- Kami menguji sampel data kritikal yang digunakan untuk menentukan ECL.

Untuk sampel pendedahan borong yang mengalami rosot nilai kredit, kami mencabar kesesuaian ini dan menilai ECL yang ditetapkan.

Kami seterusnya mempertimbangkan sama ada penilaian yang dibuat dalam pemilihan andaian signifikan dan pendedahan borong yang mengalami rosot nilai kredit, akan menimbulkan petunjuk kemungkinan berlaku berat sebelah dari pihak pengurusan.

Kami menilai kecukupan pendedahan berhubung dengan ECL ke atas pinjaman dan pendahuluan kepada pelanggan yang dibuat dalam penyata kewangan gabungan dalam konteks rangka kerja pelaporan kewangan yang berkenaan. Berdasarkan prosedur yang kami laksanakan, kami mendapati peruntukan untuk ECL ke atas pinjaman dan pendahuluan kepada pelanggan adalah munasabah.

Rujukan yang berkaitan dalam penyata kewangan gabungan

Risiko: Risiko kredit, seperti dirujuk silang daripada penyata kewangan gabungan (hanya maklumat yang dikenal pasti sebagai telah diaudit), halaman 25-48

Nota 1.2 (i) mengenai penyata kewangan gabungan: Asas penyediaan dan dasar perakaunan penting - Ringkasan dasar perakaunan penting – Rosot nilai kos terlunas dan aset kewangan FVOCI, halaman 81 hingga 84.

Nota 2 (e) mengenai penyata kewangan gabungan: Keuntungan operasi – Perubahan dalam kerugian kredit dijangka dan caj rosot nilai kredit yang lain, halaman 89

Nota 10 mengenai penyata kewangan gabungan: Pinjaman dan pendahuluan kepada pelanggan, halaman 104 hingga 105.

Penilaian rosot nilai pelaburan dalam syarikat bersekutu – Bank of Communications Co., Ltd ('BoCom')

Penyata Kedudukan Kewangan Gabungan pada 31 Disember 2024

	2024 HK\$'j	2023 HK\$'j
ASET		
Baki tunai di Bank Pusat	211,047	232,987
Sijil-sijil terhutang Kerajaan Hong Kong	328,454	328,304
Aset perdagangan	1,085,321	941,250
Derivatif	505,260	409,253
Aset kewangan yang ditetapkan dan sebaliknya wajib diukur atas nilai saksama melalui untung dan rugi	781,210	707,573
Perjanjian pembelian semula berbalik - bukan perdagangan	816,102	831,186
Pinjaman dan pendahuluan kepada bank	480,740	563,801
Pinjaman dan pendahuluan kepada pelanggan	3,494,298	3,557,076
Pelaburan kewangan	2,337,844	2,029,212
Amaun belum terima daripada syarikat-syarikat Kumpulan	175,004	158,592
Pelaburan dalam syarikat-syarikat bersekutu dan usaha sama	178,330	170,206
Muhibah dan aset tidak ketara	41,308	38,923
Hartanah, loji, peralatan	120,774	129,675
Aset cukai tertunda	10,307	9,315
Bayaran pendahuluan, pendapatan terakru dan aset-aset lain ¹	382,941	393,040
Jumlah aset	10,948,940	10,500,393
Liabiliti		
Matawang kertas Hong Kong dalam pendedaran	328,454	328,304
Perjanjian pembelian semula – bukan perdagangan	624,784	521,984
Deposit daripada bank-bank	183,612	182,146
Akaun pelanggan	6,564,606	6,261,051
Liabiliti perdagangan	86,557	103,050
Derivatif	473,488	450,216
Liabiliti kewangan yang ditetapkan pada nilai saksama	178,739	170,728
Sekuriti hutang yang diterbitkan	64,362	87,745
Liabiliti manfaat persaraan	805	1,362
Jumlah terhutang kepada syarikat-syarikat Kumpulan	396,356	465,476
Pendapatan tertunggak dan pengakruan, liabiliti dan peruntukan lain ¹	339,713	285,649
Liabiliti di bawah kontrak insurans	799,443	730,829
Liabiliti cukai semasa	7,096	15,344
Liabiliti cukai tertunda	22,917	23,923
Jumlah liabiliti	10,070,932	9,627,807
Ekuiti		
Modal saham	180,181	180,181
Instrumen ekuiti lain	64,677	52,465
Rizab lain	102,993	117,214
Pendapatan tertahan	471,198	462,866
Jumlah ekuiti pemegang saham	819,049	812,726
Keperluan yang tidak dikawal	58,959	59,860
Jumlah ekuiti	878,008	872,586
Jumlah liabiliti dan ekuiti	10,948,940	10,500,393

¹ Pada tahun 2023 'Butiran pemungutan daripada bank-bank lain' HK\$22bn dibentangkan pada kunci kira-kira tetapi kini dilaporkan dalam 'Bayaran pendahuluan, pendapatan terakru dan aset-aset lain' dalam Laporan Tahunan dan Akaun 2024. Begitu juga, 'Butiran dalam membuat penghantaran kepada bank-bank lain' HK\$28bn kini dibentangkan dalam 'Akruan, pendapatan tertunda dan liabiliti lain'.

Nisbah Kecukupan Modal

Jadual berikut menunjukkan nisbah modal seperti yang terkandung dalam penyata 'Nisbah Kecukupan Modal' yang dikemukakan kepada HKMA secara gabungan di bawah keperluan seksyen 3C(1) Peraturan Perbankan (Modal).

	Pada 31 Disember 2024 %	Pada 31 Disember 2023 %
Nisbah modal ekuiti biasa tahap 1 ('CET1')	16.3	15.8
Nisbah modal tahap 1	18.4	17.5
Jumlah nisbah modal	20.3	19.7

Lembaga Pengarah

Dr Peter Tung Shun Wong, GBS, JP, <i>Pengerusi bukan eksekutif</i>	Andrea Lisa Della Mattea*
David Gordon Eldon, GBS, CBE, JP, <i>Timbalan pengerusi bebas bukan eksekutif</i>	Pam Kaur [†]
David Yi Chien Liao [†]	Rajnish Kumar*
Surendranath Ravi Roshan [†]	Beau Khoon Chen Kuok*
Paul Jeremy Brough*	Irene Yun-lien Lee*
Judy Lai Kun Chau*	Annabelle Yu Long*
Edward Wai Sun Cheng,* GBS, JP	
Sonia Chi Man Cheng*	
Yiu Kwan Choi*	

*Pengarah Bebas Bukan Eksekutif [†]Pengarah Bukan Eksekutif [†]Ketua Bersama Pegawai Eksekutif



Sifat Perkara Penting Audit

2024 ialah tempoh pelaporan tahunan pertama selepas kumpulan telah menjejaskan pelaburannya dalam BoCom, yang membawa nilai berjumlah HK\$174.2bn pada 31 Disember 2024. Anggaran ketidaktentuan pelaburan berkaitan pelaburan kekal tinggi pada 2024 dan pengumuman polisi selanjutnya mengenai pakej rangsangan fiskal oleh kerajaan di China telah diumumkan.

Nilai bawaan perlu dinilai sebagai penunjuk potensi rosot nilai selanjutnya dan pembalikan rosot nilai terdahulu. Tiada petunjuk rosot nilai selanjutnya atau pembalikan rosot nilai sebelumnya terhadap pelaburan dalam BoCom telah dikenal pasti pada 31 Disember 2024.

Penilaian pengurusan terhadap rosot nilai atau pembalikan penunjuk rosot nilai terdahulu disokong oleh anggaran jumlah yang boleh dipulihkan menggunakan model nilai dalam penggunaan ('VIU'). Model VIU menganggarkan aliran tunai masa depan yang dijangka diperoleh daripada pelaburan dalam BoCom dalam keadaan semasa dan tidak mencerminkan kesan urus niaga modal masa depan. Model VIU terus menjadi kaedah yang dibenarkan untuk menganggarkan jumlah yang boleh diperolehi semula.

Metodologi yang digunakan dalam model VIU ini bergantung pada pelbagai andaian, yang bersifat jangka pendek dan jangka panjang. Andaian ini tertakluk kepada ketidakpastian anggaran, ia diperoleh daripada kombinasi pertimbangan pengurusan, ramalan penganalisis, data pasaran atau maklumat lain yang berkenaan.

Andaian yang menjadi tumpuan audit kami adalah yang memiliki tahap pertimbangan dari pihak pengurusan dan subjektiviti yang lebih tinggi, dan yang mana variasi mempunyai kesan yang paling ketara ke atas VIU. Secara khusus, andaian signifikan ini termasuk:

—Kadar diskaun;

—Andaian jangka pendek hingga sederhana untuk kadar pertumbuhan pendapatan operasi, pinjaman dan pendahuluan kepada kadar pertumbuhan pelanggan, nisbah kos pendapatan, dan kerugian kredit dijangka sebagai peratusan pinjaman dan pendahuluan kepada pelanggan;

—Andaian jangka panjang untuk kadar pertumbuhan keuntungan, kadar pertumbuhan aset, kerugian kredit dijangka sebagai peratusan pinjaman dan kadar cukai berkesan; dan

—Andaian berkaitan modal untuk nisbah kecukupan modal, nisbah kecukupan modal tahap 1 dan aset wajaran risiko sebagai peratusan daripada jumlah aset.

Perkara-perkara yang dibincangkan dengan Jawatankuasa Audit

Kami telah berbincang kesesuaian metodologi, konsistensi aplikasinya pada tempoh demi tempoh dan andaian signifikan dengan Jawatankuasa Audit. Ini termasuk pendekatan oleh pihak pengurusan terhadap pemantauan rosot nilai berterusan termasuk sama ada terdapat penunjuk rosot nilai selanjutnya atau pembalikan kepada rosot nilai sebelumnya, kesesuaian andaian penting yang digunakan dalam VIU, dan pendedahan yang dibuat berhubung dengan pelaburan dalam BoCom, termasuk penggunaan analisis sensitiviti untuk menjelaskan ketidakpastian anggaran.

Bagaimana audit kami menangani Perkara Penting Audit

Kami telah menguji kawalan yang berkaitan dengan andaian signifikan, metodologi dan penggunaannya yang digunakan dalam penilaian penunjuk rosot nilai. Berhubung dengan VIU, kami menilai kesesuaian metodologi yang digunakan dan aplikasinya. Berhubung dengan andaian signifikan yang digunakan dalam VIU, kami telah melakukan perkara berikut:

- Mencabar kesesuaian andaian signifikan dan, di mana relevan, perhubungan antara mereka;
- Memperoleh bukti sokongan untuk data yang menyokong andaian signifikan yang relevan merangkumi pengalaman lepas, maklumat pasaran luaran, sumber pihak ketiga termasuk laporan penganalisis, maklumat daripada pengurusan BoCom dan sejarah kewangan BoCom yang tersedia untuk umum. Mempertimbangkan sebarang ketidakselarasan antara bukti yang menyokong dan andaian signifikan;
- Menentukan julat munasabah bebas untuk andaian kadar diskaun, dengan bantuan pakar penilaian kami, dan membandingkannya dengan kadar diskaun yang digunakan oleh pihak pengurusan; dan
- Menilai sama ada pertimbangan yang dibuat dalam memilih andaian yang signifikan ini akan menimbulkan petunjuk kemungkinan berlaku berat sebelah di pihak pengurusan.

Kami memerhatikan mesyuarat antara pihak pengurusan dan pengurusan BoCom untuk mengenal pasti fakta dan keadaan yang memberi kesan kepada andaian signifikan yang berkaitan dengan penentuan VIU.

Perwakilan diperoleh daripada Bank bahawa andaian yang digunakan adalah konsisten dengan maklumat yang tersedia pada masa ini kepada Bank. Kami menilai kecukupan pendedahan berkaitan dengan BoCom yang dibuat dalam penyata kewangan gabungan dalam konteks kerangka pelaporan kewangan yang berkenaan. Secara keseluruhannya, kami mendapati pendekatan pengurusan terhadap pemantauan rosot nilai berterusan dan taksiran rosot nilai boleh diterima.

Rujukan yang berkaitan dalam penyata kewangan gabungan

Nota 1.2 (a) mengenai penyata kewangan gabungan: Asas penyediaan dan dasar perakaunan penting - Ringkasan dasar perakaunan penting - Gabungan dan dasar berkaitan, halaman 78

Nota 14 mengenai penyata kewangan gabungan: Pelaburan dalam syarikat bersekutu dan usaha sama, halaman 107-110.

Maklumat Lain

Para pengarah Bank bertanggungjawab ke atas maklumat yang lain. Maklumat lain terdiri daripada semua maklumat yang disertakan dalam Laporan Tahunan dan Akaun 2024, Penyata Pendedahan Perbankan pada 31 Disember 2024 dan Senarai pengarah syarikat subsidiari Bank (sepanjang tempoh 1 Januari 2024 hingga 19 Februari 2025) selain daripada penyata kewangan gabungan dan laporan juruaudit kami selepas itu. Kami telah memperoleh beberapa maklumat lain termasuk Terma tertentu yang ditakrifkan, Penyataan amaran mengenai kenyataan berpandangan ke hadapan, terjemahan Bahasa Cina, Sorotan Kewangan, Laporan Pengarah, Pasukan Petugas mengenai Pendedahan Kewangan berkaitan Iklim, Ulasan Kewangan, Risiko dan Bahagian maklumat tambahan Laporan Tahunan dan Akaun 2024 sebelum tarikh laporan juruaudit ini. Baki maklumat lain, termasuk Penyata Pendedahan Perbankan pada 31 Disember 2024 dan Senarai pengarah syarikat subsidiari Bank (dalam tempoh dari 1 Januari 2024 hingga 19 Februari 2025), dijangka akan disediakan kepada kami selepas tarikh tersebut. Maklumat lain tidak termasuk maklumat khusus yang dibentangkan di dalamnya yang dikenal pasti sebagai sebahagian penting penyata kewangan gabungan dan, oleh itu, dilindungi oleh pendapat audit kami mengenai penyata kewangan gabungan.

Pendapat kami mengenai penyata kewangan gabungan tidak merangkumi maklumat yang lain dan kami tidak dan tidak akan memberi sebarang bentuk kesimpulan jaminan mengenainya.

Berhubung dengan audit kami ke atas penyata kewangan gabungan, tanggungjawab kami adalah untuk membaca maklumat lain yang dikenal pasti di atas dan, dengan berbuat demikian, pertimbangkan sama ada maklumat lain itu tidak konsisten secara material dengan penyata kewangan gabungan atau pengetahuan yang kami peroleh dalam audit, atau sebaliknya nampaknya disalah nyata secara material.

Jika, berdasarkan kerja yang kami telah lakukan ke atas maklumat yang lain yang kami peroleh sebelum tarikh laporan juruaudit ini, kami membuat kesimpulan bahawa terdapat salah nyata material pada maklumat yang lain ini, kami dikehendaki melaporkan perkara ini. Kami tiada apa-apa untuk dilaporkan dalam hal ini.

Apabila kami membaca baki maklumat lain, sekiranya kami mendapati terdapat salah nyata yang material di dalamnya, kami dikehendaki memaklumkan perkara itu kepada Jawatankuasa Audit dan mengambil tindakan sewajarnya dengan mempertimbangkan hak dan kewajiban undang-undang kami.

Tanggungjawab Pengarah dan Jawatankuasa Audit terhadap Penyata Kewangan Gabungan

Para pengarah bertanggungjawab terhadap penyediaan penyata kewangan gabungan yang memberi gambaran yang benar dan saksama menurut HKFRSs yang dikeluarkan oleh HKICPA dan Ordinan Syarikat Hong Kong, dan untuk kawalan dalaman seperti yang pengarah tentukan adalah perlu untuk membolehkan penyediaan penyata kewangan gabungan yang bebas daripada salah nyata yang material, sama ada disebabkan oleh penipuan atau kesilapan.

Dalam menyediakan penyata kewangan gabungan, para pengarah adalah bertanggungjawab untuk menilai keupayaan kumpulan untuk terus sebagai satu usaha berterusan, mendedahkan, sepertimana yang berkenaan, perkara-perkara yang berkaitan dengan usaha berterusan dan menggunakan asas perakaunan usaha berterusan melainkan jika pengarah berhasrat untuk membubarkan kumpulan atau untuk menghentikan operasi, atau tidak mempunyai alternatif yang realistik tetapi untuk berbuat demikian.

Jawatankuasa Audit bertanggungjawab untuk menyelia proses pelaporan kewangan kumpulan.

Tanggungjawab Juruaudit terhadap Audit Penyata Kewangan Gabungan

Objektif kami adalah untuk mendapatkan jaminan yang munasabah sama ada penyata kewangan gabungan adalah bebas secara keseluruhannya daripada salah nyata yang material, sama ada disebabkan oleh penipuan atau kesilapan, dan untuk mengeluarkan laporan juruaudit yang mengandungi pendapat kami. Kami melaporkan pendapat kami semata-mata kepada anda, sebagai sebuah badan, menurut seksyen 405 Ordinan Syarikat Hong Kong dan bukan untuk tujuan lain. Kami tidak bertanggungjawab terhadap atau menanggung liabiliti terhadap mana-mana individu lain bagi kandungan laporan ini. Jaminan yang munasabah adalah tahap jaminan yang tinggi, tetapi bukan suatu jaminan bahawa audit yang dijalankan mengikut HKSA akan sentiasa mengesan salah nyata yang material apabila ia wujud. Salah nyata boleh timbul daripada penipuan atau ralat dan dianggap material sekiranya, secara individu atau agregat, salah nyata ini boleh secara munasabah dijangkakan akan mempengaruhi keputusan ekonomi pengguna yang dibuat berdasarkan penyata kewangan gabungan ini.

Sebagai sebahagian daripada audit mengikut HKSA, kami menggunakan pertimbangan profesional dan mengekalkan keraguan profesional sepanjang audit. Kami juga:

– Mengetahui dan menilai risiko salah nyata yang material pada penyata kewangan, sama ada disebabkan oleh penipuan atau kesilapan, merangka dan melaksanakan prosedur audit yang responsif kepada risiko berkenaan, dan mendapatkan bukti audit yang mencukupi dan sesuai untuk memberi asas yang munasabah bagi pendapat kami. Risiko tidak mengesan salah nyata yang material akibat daripada penipuan adalah lebih tinggi berbanding dengan yang disebabkan oleh kesilapan, kerana penipuan mungkin melibatkan pakatan sulit, pemalsuan, peninggalan secara sengaja, gambaran salah, atau mengatasi kawalan dalaman.

– Mendapatkan pemahaman mengenai kawalan dalaman yang berkaitan dengan audit bagi tujuan merangka prosedur audit yang bersesuaian dengan keadaan, tetapi bukan bertujuan untuk menyatakan pendapat mengenai keberkesanan kawalan dalaman kumpulan.

– Menilai kesesuaian dasar perakaunan yang digunakan dan kemunasabahan anggaran perakaunan dan pendedahan berkaitan yang dibuat oleh pengarah.

– Membuat kesimpulan tentang kesesuaian penggunaan asas perakaunan usaha berterusan oleh para pengarah dan, berdasarkan bukti audit yang diperolehi, sama ada wujud ketidakpastian material berkaitan dengan peristiwa atau keadaan yang mungkin menimbulkan keraguan yang ketara terhadap keupayaan kumpulan untuk meneruskan usaha berterusan. Jika kami membuat kesimpulan bahawa ketidakpastian material wujud, kami dikehendaki menarik perhatian dalam laporan juruaudit kami terhadap pendedahan berkaitan dalam penyata kewangan gabungan itu atau, jika pendedahan tersebut tidak mencukupi, untuk mengubah pendapat kami. Kesimpulan kami adalah berdasarkan pada bukti audit yang diperolehi sehingga tarikh laporan juruaudit kami. Walau bagaimanapun, peristiwa atau keadaan yang akan berlaku pada masa akan datang boleh menyebabkan kumpulan untuk berhenti beroperasi sebagai satu usaha berterusan.

– Menilai pembentangan, struktur dan kandungan penyata kewangan gabungan secara keseluruhan, termasuk pendedahan, dan sama ada penyata kewangan gabungan mewakili urus niaga dan peristiwa yang mendasari dengan cara yang mencapai pembentangan yang saksama.

– Merancang dan melaksanakan pengauditan kumpulan untuk mendapatkan bukti audit yang mencukupi dan sesuai mengenai maklumat kewangan entiti atau unit perniagaan dalam kumpulan sebagai asas untuk membentuk pendapat mengenai penyata kewangan gabungan. Kami bertanggungjawab terhadap arahan, penyediaan dan semakan kerja audit yang dilakukan untuk tujuan audit kumpulan. Kami bertanggungjawab sepenuhnya bagi pendapat audit kami.

Kami berkomunikasi dengan Jawatankuasa Audit mengenai, antara lain, skop yang dirancang dan masa audit dan penemuan audit penting, termasuk sebarang kekurangan signifikan dalam kawalan dalaman yang dikenal pasti semasa audit kami.

Kami juga menyediakan kenyataan bahawa kami telah mematuhi keperluan etika berkaitan mengenai kebebasan Jawatankuasa Audit dan memaklumkan kepada mereka semua komunikasi dan perkara-perkara lain yang boleh munasabah dijangka mempengaruhi kebebasan kami, dan di mana berkenaan, tindakan yang diambil untuk menghapuskan ancaman atau perlindungan yang digunakan kepada Jawatankuasa Audit.

Daripada perkara-perkara yang dibincangkan dengan Jawatankuasa Audit, kami menentukan perkara-perkara yang paling penting dalam pengauditan penyata kewangan gabungan bagi tempoh semasa dan dengan itu perkara penting audit. Kami menerangkan perkara-perkara ini dalam laporan juruaudit kami, kecuali undang-undang atau peraturan menghalang pendedahan awam tentang perkara ini atau apabila, dalam keadaan yang amat jarang berlaku, kami menentukan bahawa sesuatu perkara tidak boleh disampaikan dalam laporan kami kerana kesan buruk daripada berbuat demikian akan secara munasabah dijangkakan melebihi manfaat kepentingan awam daripada komunikasi sedemikian.

Rakan penglibatan bagi audit yang menghasilkan laporan juruaudit bebas ini ialah Yip Siu Foon Linda.

PricewaterhouseCoopers
Akauntan Awam Bertauliah
Hong Kong, 19 Februari 2025

Laporan Tahunan dan Akaun

Penyata Kedudukan Kewangan gabungan dan Penyata Pendapatan gabungan yang dicetak di atas telah dipetik daripada Laporan Tahunan dan Akaun 2024 The Hongkong and Shanghai Banking Corporation Limited. Nota ini membentuk sebahagian penting daripada penyata kewangan yang telah diaudit dan pemahaman penuh kenyataan tidak boleh dicapai tanpa merujuk kepada set lengkap penyata kewangan. Salinan Laporan Tahunan dan Akaun 2024 boleh didapati di laman web www.hsbc.com.hk.

Senarai Semua Anak Syarikat Bank

Senarai semua anak syarikat Bank dipamerkan di semua cawangan Bank di Singapura. Senarai semua anak syarikat boleh didapati melalui permohonan dari: Jabatan Urus Tadbir Korporat & Sekretariat, 10 Marina Boulevard, Marina Bay Financial Centre, Tower 2 #48-01, Singapore 018983.

Deposit

Undang-undang di negara tempat Bank diperbadankan ("Negara Asal") tidak menghendaki Bank memberikan keutamaan yang lebih rendah kepada pemdeposit pejabat asingnya, berbanding pemdeposit Negara Asalnya, dalam pembayaran balik deposit sekiranya berlaku proses kuasa penerima, prosiding penggulungan atau prosiding Bank yang setara.